

截流大師法語

淨

土

警

語

臺中蓮社印行

截流大師法語

淨土警語

臺中蓮社

中華民國八十年七月 再版景印叁仟本

(非賣品)

淨土警語

※印翻勿請·意同經未※

著述者：截流大師

出版者：青蓮出版社

出版登記：局版臺業字第〇一二三號
住址：臺中市 40212 民生路九巷三十號

印行者：台中蓮社

住址：臺中市 40212 民生路九巷卅二號
電話：(04)二二三七三七·二二五一九一二

流通者：明倫社

住址：臺中市 40212 民生路九巷三十號
電話：(04)二二六〇一七三

承印者：金星堂印刷廠有限公司

住址：臺中市 成功路二六九號
電話：(04)二二三二八二二·二二二三九九三

淨土警語 目錄

勸發眞信	一
申 勸	四
又申勸	八
起三年長期示衆	一六
起精進七期示衆	一九
料柬法門	二二
九品略辯	二六
示夏子彝居士	三一
示丁耕野居士	三三

東顧兆禎居士·····	三七
答顧兆禎居士·····	三八
名字說與金水若居士·····	四二
首楞嚴經勢至圓通章·····	四七
旅三字說·····	五八
觀佛毫相法·····	六三
起一心精進念佛七期規式·····	六九
普仁七日念佛記·····	九〇

淨土警語

菩薩苾芻行策截流

勸發真信

念佛三昧其來尚矣自遠祖崛起廬山肇興蓮社六
時淨行遂成千古芳規雖日功高易進乃末世行人
罕獲靈驗良由信願不專未能導其善行以要歸淨
土故也今既廣邀善侶同修淨因若非諦審發心那
知出苦要道凡我同人與斯法會者須具真實信心
苟無真信雖念佛持齋放生修福祇是世閒善人報
生善處受樂當受樂時卽造業既造業已必墮苦正

眼觀之較他一闡提旃陀羅輩僅差一閃耳如是信心豈爲真實所謂真信者第一要信得心佛衆生三無差別我是未成之佛彌陀是已成之佛覺性無二我雖昏迷倒惑覺性未曾失我雖積劫輪轉覺性未曾動故曰莫輕未悟一念回光便同本得也次要信得我是理性佛名字佛彌陀是究竟佛性雖無二位乃天淵若不專念彼佛求生彼國必至隨業流轉受苦無量所謂法身流轉五道不名爲佛名爲衆生矣次要信得我雖障深業重久居苦域是彌陀心內之衆生彌陀雖萬德莊嚴遠在十萬億刹之外是我心

內之佛既是心性無二自然感應道交我之苦切必
能感佛之慈悲必能應如磁石吸鐵無可疑者所謂
佛念衆生如母憶子子若憶母如母憶時母子歷生
不相違遠若衆生心憶佛念佛現前當來必定見佛
去佛不遠也具如上真信者雖一毫之善一塵之福
皆可回向西方莊嚴淨土何況持齋秉戒放生布施
讀誦大乘供養三寶種種善行豈不足充淨土資糧
唯其信處不真遂乃淪於有漏故今修行別無要術
但於二六時中加此三種真信則一切行履無煩改
轍矣倘欲捨此度門別商元妙工夫則諸方宗匠如

林刹竿相望正可隨處問津不須投足茲社若果名
心永盡素願攸同時節因緣幸常集會依稀蓮漏仿
佛籃輿今古如斯遺風未泯庶他生爲親近之津梁
卽此世爲助發之資具願交勉焉

申勸

昔真歇和尚云佛佛授手祖祖相傳惟此一事更無
餘事釋迦老子住世七十九年說法三百餘會獨於
淨土之教諳諳讚說而不已得非以是爲超凡入聖
之捷徑乎然此法門誠易誠難夫執持名號修衆福
善至心回向卽得往生苟得往生則橫截五道頓超

三有直階不退不歷多祇豈非簡易倘若娑婆事業
在在縈懷一暴十寒心不專篤遇五欲時如膠如漆
遭逢逆境結怨銜恨而欲命終彼佛接引又必不可
得之數豈非難事由此觀之淨土法門藥也娑婆貪
愛忌也衆生業病教奉醫王甫服其藥復飽食其忌
可乎及乎臨欲命終重處偏墜淨因微弱難脫苦輪
翻謂醫王誤人佛法無驗悲夫若輩顛倒極矣曷不
思匡廬法社十八高賢暨百二十三人俱留瑞應具
載方策古今日月古今山河彼旣丈夫我豈不爾當
知不爾者祇是重處放捨不下故也凡我同會緇白

老壯宜各痛念娑婆險惡早求出離六道之匍匐九品之道遙利害天淵大須猛省必也生大欣厭捨穢取淨信此取捨與不取捨原非異轍毋驚虛名毋執空見毋受高帽禪和口頭三昧惑亂毋求旦夕速效妄冀心外有佛來迎動諸魔事不論居家時入社時恒以念佛爲正行以勉修衆善爲助行更於貪瞋習氣刻意揩磨使重處得輕生處漸熟淨念相繼願行相資自然干穩百當也其衆行之中則放生一事爲最善但應諦思彼雖同性猶屬異類尙須救之況我同類之人障深業重有不久墮入惡趣者有現在地

獄受苦者彼地獄苦劇於世閒刀火奚啻十百千倍
何容於此置之膜外不圖拯救然其拯救之法亦惟
在今日一心念佛以速生安養然後乘本願輪運大
神力興無緣慈擴同體悲分身散影於十方刹土諸
惡趣中尋聲救苦如觀世音菩薩誓空地獄如地藏
王菩薩拔一切衆生苦因苦果與一切衆生世出世
樂攝一切衆生同觀彌陀慈父到究竟安隱處具如
是志願方是丈夫漢若不具如是志願則屆期聚首
悠悠從事雖念佛放生亦只是尋常社會豈日無福
非衲所望於諸上善友也幸審擇之

又申勸

淨土法門雖謔佛諸祖其所讚揚然當世士夫一代時教曾未經目苟非宿有靈根焉得聞而深信今爲略舉一二大經要論以概其餘使知法門殊勝易生信樂之心祇如華嚴一經教門廣大爲諸經中王譬如杲日當空掩衆星之彩須彌橫海落羣峰之高其語世界也不曰恒河沙數而曰不可說不可說佛刹極微塵數普賢菩薩以智通力一眼普觀無邊香水海無邊刹土如掌中果從近至遠隨其方面一一指陳名號相狀極樂世界在毗盧遮那本刹中刹有二

十層上廣下狹形如倒卓浮圖娑婆與極樂同在第
十三層此層內有十三佛刹微塵數世界圍繞極樂
世界其一數耳視本刹世界之多猶如盡瞻部洲百
歲所收之穀總爲一聚其中一粟相似何況更視本
刹外無邊刹種所有世界尚可以言思計議哉如是
廣大經文於末後結束處乃以十大願王導歸極樂
惟令生安養世界惟願見阿彌陀佛其專切勸發反
復丁寧具在行願品中茲不繁錄又佛滅後六百年
西天第十二祖馬鳴大士應佛懸記重興正法宗一
百洛又大乘經典造爲一論名曰起信能令末世衆

生發起大乘正信譬如錯衆采而爲錦釀百華而成
蜜其建言析理窮微造極旣備陳一切法門種種三
昧令修習正信已復念一切法門種種三昧皆難修
而易退乃於末後更示諸佛勝異方便日復次初學
菩薩住此娑婆世界或值寒熱風雨不時饑饉等苦
或見不善可畏衆生三毒所纏習行惡法菩薩在中
心生怯弱恐不能成就清淨信心生疑欲退者應發
誓願一心專念佛及菩薩以生決定心故於此命終
必得往生諸佛刹中見佛菩薩永離惡趣如經中說
善男子善女人專念西方極樂世界阿彌陀佛以諸

善根回向願生決定得生常見彼佛信心增長永不
退轉得入正位是知佛世時文殊普賢佛滅後馬鳴
龍樹如是諸大士咸勸往生兼願自往親近彌陀他
如寶積大集等諸大部經中稱揚讚勸未易悉舉然
十方諸佛淨土無量經論偏指歸極樂者略有二意
一爲彼佛與此土人最有緣故無貴賤無賢愚無幼
艾皆知阿彌陀佛號若有苦屈啟口發聲無不稱其
名者二爲法藏比丘願力勝故攝二十一億清淨佛
土諸莊嚴事總爲極樂世界一刹莊嚴發四十八宏
誓願廣接十方念佛衆生來生其國蓋諸佛果德雖

實平等因中願力任運攝生無差別中有差別故三
爲阿彌陀佛卽法界藏身極樂世界卽蓮華藏海見
一佛卽是見無量佛生一刹卽是生無量刹念一佛
卽是念一切佛卽爲一切佛所護念以法身不二故
生佛不二故能念所念不二故也然諸經論雖廣讚
揚此國衆生初無知者唯晉遠公崛起匡廬肇興蓮
社一時名賢巨儒不期自至如劉遺民及宗雷等皆
服膺請教道遂大振繼自唐宋以來禪學浸盛士大
夫有智識者多雅慕宗門趣尙高異然上下千百年
閒其真能見性者不過楊億侍郎李遵勗駙馬及許